


漢
書
辨
疑
四





漢書辨疑

(四)

錢大昭撰

編主五雲王

編初成集書叢

疑 辨 書 漢
冊 四

中華民國二十五年十二月初版

撰 者 錢 大 昭

發 行 人 王 雲 五
上海河南路

印 刷 所 商 務 印 書 館
上海河南路

發 行 所 商 務 印 書 館
上海及各埠

(本 書 校 對 者 楊 靜 齋 徐 壽 齡)

校

漢書辨疑卷十八

爰盎傳

陛下不交睫解衣。睫，古作眈。史記扁鵲傳云：忽忽承眈。說文：眈，目旁毛也。

願致前口對狀。致，南雍本闕本作至。

夫一旦叩門不以親爲解。案論語子路問聞斯行諸，包咸以爲賑窮救乏之事。子曰：有父兄在，如之何？其聞斯行之。孔安國以爲當白父兄，不得自專。白虎通議亦云：朋友之道，親存不得行者二，不得許友以其身，不得專通財之恩。友飢則白之于父兄，父兄許之，乃稱父兄與之，不聽卽止。故曰：友飢爲之減。澆，友寒爲之不重裘。然則以親爲解，行古之道也。

量錯傳

迺詔太常使人受之。太常，當作奉常。景帝中六年，改奉常爲太常。是時尚未改也。下云迺拜盎爲太常，亦誤。

四者國之至要也。國，南雍本闕本皆作兵。

具藺石如瀆。曰藺石，城上雷石也。惠士奇曰：雷石一作礮石。潘岳汧督誄詞所謂芻以鐵鎖機關，旣縱礮而又昇焉是也。一名礮石。閒居賦云：礮石雷駭。注云：礮石，今之拋石。范蠡兵法：飛石重二十斤爲機。

發行三百步。說文：建大木置石其上，發以機以礮敵。一名旂。魏志謂之霹歷車，亦曰拋車。後世易石以火，號震天雷。蓋師雷石之遺意而加酷矣。

郡縣之民得買其爵以自增至卿。案樊噲賜爵卿，卿謂左庶長以上之爵。孟康以武功爵之樂卿當之，非也。說詳樊噲傳。

而勸之新色也。色當作邑。

廷尉臣宜昌。百官表逸其姓。

除苛解嬈。說文：嬈，苛也。

不擊諸侯。擊與襲同，謂不媒襲其短也。應劭謂不以庶擊畜之，非是。

張釋之傳

問上林尉禽獸簿。百官表：水衡都尉屬官。上林有八丞十二尉。

用紵絮斲陳漆其閒。斲，說文云：斲也。廣雅云：絕也。言櫛之隙處，斲紵絮以塞之。又以漆陳其閒也。

聞蹕匿橋下。說文：蹕，止行也。周禮：天官宮正及禮記：曾子問皆作蹕。蹕非古字。

且方其時上使使誅之則已。魏志王肅傳：載肅之言曰：廷尉者天子之吏也，猶不可以失平，而天子之

身反可以惑謬乎。周公曰：天子無戲言，言則史書之，工誦之，士稱之，言猶不戲，而況行之乎。子雍以釋

之此語爲有病則可，至詆釋之爲不忠之甚，則謬矣。

與梁相山都侯王恬 功臣表作王恬啟 史記作王恬開 此疑脫一字

馮唐傳

闐以內寡人制之闐以外將軍制之 闐漢紀作闐 同案爾雅釋宮鑿謂之闐 郭璞曰門闐 曲禮云由闐 右李如圭云闐者門中所豎短木在地者也 其東曰闐東 其西曰闐西

滅澹林如淳曰匈奴傳云晉北有澹林之胡樓煩之戎 案如說非也 匈奴傳但言林胡不言澹林

魏尙槐里人也 魏尙無傳 故于此記其里居 亦猶公卿之無傳者 表中書其里及其字也 槐里右扶風縣

汲黯傳

至黯十世 十史記作七

臣過河內河內貧人傷水旱 河內史記俱作河南下同

陛下用羣臣如積薪耳後來者居上 文子曰虛無因循常後而不先 譬若積薪燎後者處上也 黯之言

蓋本諸此

縣官亡錢從民貰馬 昭帝紀始元四年詔曰往時令民共出馬 其止勿出 卽其事也

而文吏繩以爲闐出財物如邊闐乎 說文闐妄入宮掖也 从門 絲聲 如應劭臣瓚說 則字當爲闐 妄入

爲闐妄出亦爲闐也

臣常有狗馬之心。有閩本作存。

過大行李息。大行下當有令字。

司馬安爲淮陽太守。司馬安疑卽汲黯姊子。

賈山傳

今陛下念思祖考術追厥功。術與述同。孫炎注爾雅云。述。古述字。術追猶詩言述追來孝也。

又選其賢者使爲常侍諸吏。諸吏中常侍皆加官。中常侍得入禁中。諸吏得舉法。

憐其衣赭書其背。後漢鄴令甄邵諂事梁冀。有同歲生得罪于冀。亡奔邵。邵陽納而陰告冀。冀捕殺之。

邵當遷爲郡守。而其母死。乃埋尸馬屋。先受官而後發喪。及冀誅。而河南尹李燮遇邵于塗。使卒投車

溝中。笞捶亂下。大署帛于背曰。詔貴賣友。貪官埋母。乃具表其狀。廢錮終身。此罪人書背之事。

鄒陽傳

交龍襄首奮翼。交。文選作蛟。交蛟古今字。

武力鼎士。衽服叢臺之下。說文。衽。元服。元服卽衽服也。說文。衽字在新附中。篆書衽與衿相似。故亦謂

之均服。左傳。僖五年。均服振振。服虔以均服爲黑服。古戎服尙黑。戰國策。左師觸龍曰。老臣賤息舒祺。

願令補黑衣之數。以衛王宮。注云。黑衣戎服。

壤子王梁代。壤當作臙。晉灼引揚雄方言作壤。今本方言作臙。郭璞注云。肥臙多肉。說文解字。臙。益州

鄙言人盛諱其肥謂之臞。

范睢拉脅折齒於魏。拉文選作摺。案春秋公羊傳莊元年拉幹而殺之。史記公子彭生抱魯桓公上車。

摺其脅。揚雄傳解嘲云。范睢以折摺而危穰侯。晉灼曰。摺古拉字。

然則軻滿七族要離燔妻子。閩本則下有荆字。

蟠木根柢輪囷離奇。蟠卽播字。說文播木也。讀若樊。

秦皇帝任中庶子蒙之言。蒙非名也。脫嘉字。史記及文選竝作蒙嘉。

牽帷廡之制。廡文選作牆。

爲其以生易死以存易亡也。此用公羊傳也。當引以注之。

枚乘傳

乘奏書諫曰。臣聞得全者全昌。案說苑正諫篇云。孝景帝時。吳王濞反。梁孝王中郎枚乘字叔聞之。爲

書諫王。其辭曰。君王之外臣乘。竊聞得全者全昌云云。此言爲吳郎中諫而不納。乃去之梁。與說苑不

同。攷鄒陽傳亦云。吳王濞招致四方游士。陽與吳嚴忌枚乘等俱仕吳。疑說苑誤也。

欲湯之滄。周書周祝解云。天地之間有滄熱。

泰山之雷穿石。說文雷屋水流也。

單極之統斷幹。此句說苑作引繩久之。乃以挈木。統與綆同。左傳襄九年。具綆缶。杜云。綆汲索。幹注當

作轅井垣也。从韋，取其帀也。軌聲。井轅是井上木欄，久汲爲綆，契斷。

不如海陵之倉。海陵屬臨淮郡。

魯東海。魯漢紀作虜。

路溫舒傳

鉅鹿東里人也。東里，蓋鉅鹿縣之里名。

元鳳中，廷尉光公卿表。元鳳六年，有廷尉李光。

鬻者不可復屬。說文：鬻，古文絕象，不連體，絕二絲。

遷廣陽私府長師。古曰：天子曰少府，諸侯曰私府。案顏說非也。漢制諸侯王國亦有少府，不名私府。百

官表詹事、中長秋、私府令、長丞皆屬焉。然則私府皇后之官也。諸侯王之后亦有之耳。

贊賈山自下廁上。說文無廁字，古作靡。易繫詞云：剛柔相靡。京房曰：靡，相磴切也。

寶嬰傳

梁人高遂乃說嬰曰：案韓安國傳云：於梁舉壺遂，臧固高遂，疑卽壺遂之譌。

魏其沾沾自喜耳多易。沾卽沾字。說文：沾，小弱也。一曰：女輕薄善走也。一曰：多技藝也。言魏其自以爲

多技藝而輕薄自喜，不勝丞相之任。

田蚡傳

蚡以肺附爲相。作肝肺附著解。則字當从肉。作斫木札解。則字當作柿。从木。說文柿。削木札撲也。陳楚謂櫝爲柿。芳吠切。後漢書楊由傳。風吹削肺。亦借用肺肝字。

召客飲坐。其兄蓋侯北鄉自坐東鄉。案蓋寬饒傳。從西階上東鄉特坐。亦言其自尊抗之意。王尊傳。尊劾奏丞相衡與中二千石大鴻臚賞等會坐殿門下。衡南鄉。賞等西鄉。衡更爲賞布東鄉席。起立延賞坐。衡設不正之席。使下坐上。相比爲惠於公門之中。亂朝廷爵秩之位。樓護傳。坐者百數皆離席伏。護獨東鄉正坐。

故嬰墨墨不得意。案墨與默通。書說命。恭默思道。古文尙書作囁。史記賈生傳。吁嗟囁囁兮。漢書作默。默。師古曰。默。默不得意也。孫叔敖碑云。其意常墨墨。隸釋云。以墨爲默。魏受禪表。寬容淵囁。以囁爲默。說文默。犬暫逐人也。讀若墨。

灌夫傳

適效女曹兒咕囁耳語。咕囁。猶譁囁也。東方朔七諫云。喜譁囁而妄作。王逸注云。譁囁。小語謀私貌。

與太后家迂。迂。古文作悟。說文。悟。逆也。

韓安國傳

安國以五百金遺蚡。潛夫論云。韓安國能遺田蚡五百金。而不能賑一窮。

卽召以爲北地都尉。案北地有兩都尉。北部都尉治神泉障。渾懷都尉治塞外渾懷障。

聚之廣武常谿 廣武地理志屬太原張晏云雁門縣非也後漢方改屬雁門

景十三王傳

山東諸儒者從而遊者閩本作多

冀州刺史敞奏元事敞張敞也

魯安王光晚節遊易蒙初六以往吝許氏說文兩引之一曰吝恨惜也一曰遊行難也遊與吝通用王

莽傳云性實遊喬亦此意廣雅云遊遯也

建異母弟定國爲淮陽侯淮陽表作淮陵

膠西于王端爲人賊斃說文斃弼戾也讀若戾

議者勿冤鼂錯之策勿當作多

昧不泰山泰山上脫見字

長沙孝王薨子魯人嗣王莽時絕案諸侯王表於魯人之下云居攝元年舜嗣二年王莽篡位貶爲公

明年廢

又告中尉蔡彭祖捕子明案西熊侯明廣川惠王之子也當是繆王齊之弟傳作子誤孟康以爲彭祖

之子名明失之遠矣

其殿門有成慶畫短衣大袴長劍後代之有門神濫觴於此

崔脩成爲明貞夫人主永巷。永巷二字誤。南雍本闕本皆作衣服。

李廣傳

用堅其意有白馬將出護兵。闕本無有白馬將出護兵七字。非也。

與故潁陰侯屏居藍田南山中。時潁陰侯灌彊以有罪免侯。故曰故也。

今將軍尙不得夜行何故也。言卽見爲將軍。亦不許其夜行。況故將軍乎。

有功中率。中率。中首虜率也。上文云。諸將多中首虜率爲侯。

單于遮其後乘隅下壘石。陵居谷中。虜在山上。故以壘石投之。亦謂之藺石。鼂錯傳云。具藺石。服虔曰。

藺石可投入石。如淳曰。藺石。城上雷石。

立政等見陵未得私語卽目視陵。高帝紀。呂公因目固留高祖。亦此意。

蘇建傳

因厚輅單于。輅。闕本作路。

皇后父平恩侯。許廣漢也。水經注作許伯。

衛青霍去病傳

平陽侯曹壽尙武帝姊陽信長公主。青壯爲侯家騎。從平陽主。又云。初青旣尊貴。而平陽侯曹壽有惡疾。

就國長公主問列侯誰賢者。左右皆言大將軍。主笑曰。此出吾家常騎。從我。奈何。左右曰。於今尊貴無。

比於是長公主風白皇后皇后言之上。迺詔青尙平陽主與主合葬。案史記曹參世家。時尙平陽公主生子襄。時病癘歸國。襄尙衛長公主。史公言病癘。與傳所云惡疾適合。則尙陽信主者。似是曹時矣。又攷功臣表。曹參薨。靖侯紈嗣。孝文後四年薨。簡侯奇嗣。孝景四年薨。夷侯時嗣。元光五年薨。共侯襄嗣。衛青於元朔二年封長平侯。元狩四年爲大司馬。所謂列侯尊貴無比。當在此時。而本傳元狩四年。令青出定襄。平陽侯襄爲後將軍。屬大將軍。以時勢度之。曹壽當卽曹襄也。襄古作襄。壽古作紈。因襄字有紈。而譌爲壽耳。若依史記之說。以襄爲平陽公主之子。則襄尙襁褓中。不能爲後將軍。以尙平陽公主者爲曹時。則元光時青尙未封侯。不得言列侯。更不得言尊貴無比也。

代相李蔡爲輕車將 代王義之相也。

大行李息 大行下當有令字。下同。

子登爲發干侯 西京雜記云。衛將軍青生子。或有獻驕馬者。乃命其子曰驕。字叔馬。其後改爲登。字叔升。

都尉韓說從大軍出寶渾 從大下當有將字。

議郎周霸等 案議郎是郎中令屬官。大將軍莫府中不得有此官。疑卽從事中郎之類。

捕季父羅姑比再冠軍師古云比頻也 小司馬引顧氏說。以羅姑比爲單于季父名。與顏小異。揚武乎鱒得 鱒當作鱒。注同。地理志作鱒。說文鱒。角也。張掖有鱒得縣。

誅獍悍師古曰獍字或作趨。趨字是說文行輕兒。

主爵趙食其爲右將軍。主爵下當有都尉二字。

於是青令武剛車自環爲營。司馬彪輿服志云吳孫兵法云有巾有蓋謂之武剛車。

漢益縱左右翼繞單于。案李廣傳云廣令其騎張左右翼。後漢書耿弇傳弇知步困將退豫置左右翼

爲伏以待之。段熲傳熲令軍中張鍤利刃長矛三重。挾以強弩。列輕騎爲左右翼。衆皆騰赴。熲馳騎于

傍。突而擊之。虜衆大潰。公孫瓚傳瓚常與善射之士數十人。皆乘白馬。以爲左右翼。自號白馬義從。袁

紹傳云瓚兵三萬。列爲方陳。分突騎萬匹。翼軍左右。其鋒甚銳。蓋古有此陣法。

悉以李敢等爲大校當裨將。此李敢非李廣之子郎中令也。廣子早爲粟騎將軍去病射死。蓋別是一

人。

所獲董允之士。董充卽獍狃也。董獍聲相近。

上爲遣太官齋數十乘。太官屬少府。主膳食之官。

并之二萬二百戶。以數計之。當是萬二百戶。

張次公河東人。酷吏傳云義縱少年時嘗與張次公俱攻剽爲羣盜。

董仲舒傳

必推之於大衰而後息與。衰漢紀作中。疑是衷字之譌。

臨淵羨魚不如蛛而結網。蛛南雍本閩本竝作退。

功烈休德未始云獲也。云閩本作亡。

異貴賤而勸有德也。勸有德閩本作觀德二字。

共是天下古亦大治。亦閩本作以。

黨可得見乎。黨古儻字。伍被傳黨可以傲幸是也。

則民不樂生民不樂生。閩本四字不重。

與大夫泄庸種蠶。泄庸漢紀及人表竝作后庸。

故求雨閉諸陽縱諸陰其止雨反是。求雨止雨之法。詳見春秋繁露。

仲舒弟子呂步舒。五行志上思仲舒前言使仲舒弟子呂步舒持斧鉞治淮南獄。以春秋誼顯斷于外。

不請。

司馬相如傳

素與臨邛令王吉相善。此王吉非琅邪王子陽。

是時卓王孫有女文君新寡。西京雜記云文君姣好眉色如望遠山臉際常若芙蓉皮膚柔滑如脂。十

七而寡爲人放誕風流故悅長卿之才而越禮焉。

相如與馳歸成都家徒四壁立。西京雜記云司馬相如初與卓文君還成都居貧愁懣以所著鸕鶿裘

就市人陽昌貫酒與文君爲懽。旣而文君抱頸而泣曰：我生平富足，今乃以衣裘貫酒，遂相與謀於臨邛賣酒。相如親著犢鼻褌，滌器以恥王孫。王孫果以爲病，乃厚給文君。文君遂爲富人。

子虛過姹烏有先生師古曰：姹字本作詫。案李善作姪，史記及五臣竝作詫，姪字誤作詫者，形相近而譌也。說文詫，沈州謂欺曰詫。

采罔彌山 說文瓘，兔瓘也。玉篇瓘同瓘。

岑峯參差日月蔽虧 江淹雜體詩：岑峯還相蔽。李善引郭注方言云：岑峯，峻兒。

璊玊元厲 璊玊，說文作玲璉。云石之次玉者。

礪石武夫 礪當作硲。說文硲，石次玉者。山海經中山經云：扶豬之山，其上多硲石。

穹窮昌蒲 說文營，營窮香艸也。司馬相如說營，或从弓，所引司馬氏說，卽謂此賦也。字當作芎。

江離蘼蕪 說文藟，楚謂之藟。晉謂之藟。齊謂之藟。是三者同物異名。說文又云：藟，江離蘼蕪。許君蓋引

子虛賦文，非謂江離卽蘼蕪也。

則生葳析苞荔 說文苞，艸也。南陽以爲麤履。又云：荔，艸也。似蒲而小，根可作刷。

注蘇林曰：析音斯。脫二字。文選注音斯歷反。

外發夫容蔭華 夫容古字。揚雄傳云：被夫容之朱裳。後人始加艸。

毒冒鼈龜 毒冒古字。爾雅注作毒瑁。釋文云：字又作疇帽。從玉從甲，皆後人所加。

微胤受詘 胤當作飢。說文飢相隨胤也。作疲極解。當作懈勞也。今之劇字。

被阿錫 錫文選作緡。古字通。說詳禮樂志。

粉粉排排 說文粉。長衣兒。裴。長衣兒。今人以裴爲氏。非也。氏族之裴。古用裴。

翕呷萃蔡 李善注嵇康琴賦。引作翕呷翠粲。古蔡與粲通。粲乃蔡字之譌。

礪石相擊琅琅磕磕若雷霆之聲 楚詞九思云。雷霆兮琅瑳。說文礪石聲。磕。石聲。皆本此。

觀乎成山張揖曰觀闕也 兒子東垣曰。案詩唐風有杕之杜云。噬肯來游。毛傳訓游爲觀。孟子云。吾何

修而可以比于先王觀也。趙岐訓觀爲游。此觀字亦當作游字解。方與下文三句相協。張揖。郭璞。張守

節。李善竝以觀爲闕。非也。

適足以卑君自損也 再當作叟。史記作貶。說文叟。傾覆也。杜林說。以爲貶損之貶。

漸胡穀蛭 胡。說文作蠺。云斬蠺鼠。黑身白要。若帶。手有長白毛。似握版之狀。類蝮蝱之屬。穀當作穀。說

文犬部。穀。犬屬。要以上黃。要以下黑。食母。猴讀若構。

夭矯枝格 格。說文作格。云枝格也。从丰。各聲。淮南說林訓。枝格之屬。有時而弛。庚信小園賦。枝格相交。

草樹混淆。皆是格字。

泰山爲櫓 劉屈氂傳。以牛車爲櫓。與此同意。

越壑厲水 厲。卽履石渡水之砾。

蕤殪仆文穎曰所射準的爲蕤。尋文氏注義則蕤當爲槩。攷工記匠人置槩以縣。眡以景。注云故書槩或作弋。元謂槩古文臬段借字。傳作藝字。轉寫譌耳。小顏以與技藝字同。失之矣。

張樂乎膠葛之寓。寓籀文字。荀子精微乎毫毛。而盈大乎寓宙。亦作寓。

巴俞宋蔡淮南千遮。說文嘑。嘑聲。嘑。嘑也。引司馬相如說淮南宋蔡譌舞嘑。許君所引卽此文。疑巴俞古作嘑。嘑矣。

鄢郢繽紛。揚雄反離騷云。暗纍以其繽紛。注繽紛交雜也。楚詞九懷云。撫余佩兮繽紛。王逸注。持我玉帶相糾結也。張有以說文之闐闐二字當之。音義俱合。

與天下爲始。始。文選作更始。

西至沫若水。張揖曰沫水出蜀廣平徼外。案地理志蜀郡無廣平縣。當作廣柔。水經云沫水出廣柔徼外東南。過旄牛縣北。又東至越巂靈道縣。出蒙山南。東北與青衣水合。東入于江。

橋孫水。張揖曰繫開靈山道置靈道縣。案兩漢志俱作靈關道。

且因宣其使詣。詣當作指。史記及閩本俱作指。

昔者洪水沸出汜。濫衍溢。衍。文選作溢。張揖曰溢。溢也。郭璞三蒼解詁曰溢。水聲也。李善曰古漢書爲溢。今爲衍。非也。

躬儼駢胝無胼。文選作躬腩胝無胼。李善注引孟康曰腩。腩理也。韋昭曰胼。身中小毛也。

常有消渴疾。西京雜記云：長卿素有消渴疾，乃還成都，悅文君之色，遂以發痼疾，乃作美人賦，欲以自刺，而終不能改，卒以此疾致死。文君爲誄，傳于世。

竭輕舉而遠游。淮南說山訓云：以束薪爲鬼竭而走，說文：竭，去也。

公孫宏傳

夫厚當重刑。當，閩本及漢紀竝作賞。

通塞之塗。通，下脫壅字。南雍本閩本及量錯所引，竝有壅字。

於是起客館，開東閣，以延賢人。西京雜記云：平津侯自以布衣爲宰相，乃開東閣營客館，以招天下之士。其一曰欽賢館，以待大賢；次曰翹材館，以待大材；次曰接士館，以待國士。其有德任毗贊，佐理陰陽者，處欽賢之館；其有才堪九列將軍二千石者，居翹材之館；其有一介之善，一方之藝，居接士之館；而躬自菲薄，所得奉祿以奉待之。

身食一肉，脫粟飯。段玉裁曰：粟者糲米也，米者精米也，粟對已去糠者言之，則去糠者爲米，未去者爲粟。對精米言之，則精米爲米，糲米爲粟。

守成文。成，下脫上字。南雍本、閩本皆不脫。

年八十終丞相位。西京雜記云：公孫弘著公孫子，言刑名事，亦謂字直百金。

卜式傳

及臨菑習弩博昌習船者。時式爲齊相故卽舉齊地言之。

兒寬傳

千乘人也。不言郡。避重文。

後有軍發左內史以負租課殿當免。民間當免皆恐失之。案劉向傳云。孝武帝時。兒寬有重罪。繫案道。侯韓說諫曰。前吾丘壽王死。陛下至今恨之。今殺寬。後將復大恨矣。上感其言。乃貰寬。據此。則是時寬之咎不止於免官矣。免字疑是死之譌。形相近耳。

漢書辨疑卷十九

張湯傳

拘守職之吏。以循分供職者爲拘泥也。蘇說非。

與長安富賈田甲魚翁叔之屬交私。廣韻魚姓。出馮翊。風俗通云。宋公子魚。賢而有謀。以字爲族。

排富商大賈出告緡令。楊可告緡。天下受其病。論者每咎孔僅。東郭咸陽。而主其議者。實張湯一人。

上問變事從迹安起。從古蹤字。顏說非。

上疏歸侯乞骸骨。歸侯者。歸侯印也。

將作穿復土起冢祠堂。祠堂起于漢。龔勝傳。勿隨俗動。吾家種柏作祠堂。循吏傳。文翁終于蜀吏。民爲

立祠堂。朱邑葬桐鄉西郭外。民爲起冢立祠。後漢書馬援傳。援夫人卒。乃更修封樹。起祠堂。潛夫論云。

廬舍祠堂。崇侈上僭。

旣嗣侯國在陳畱。陳畱風俗傳云。陳畱尉氏縣安陵鄉。故富平縣也。

別邑在魏郡租入歲千餘萬。魏郡之別邑。當在武始縣。故安世六世孫純封武始侯。

數上書讓減戶邑。讓疑當作請。

迺徙封平原并一國戶口如故而租稅減半。延壽雖徙封平原。其魏郡租入之千餘萬。不過減半耳。仍

延壽所食也。

勃舉太官獻丞陳湯。湯傳作獻食丞。

太官私官並供具第。具南雍本閩本作其。

更封富平之別鄉爲武始侯。別鄉疑當作別邑。上文所謂別邑在魏郡也。武始是魏郡縣。非富平鄉。

杜延年傳

五鳳中徵入爲御史大夫。公卿表作五鳳三年六月辛酉。漢舊儀云大夫初拜策曰。惟五鳳三年正月。

乙巳。御史大夫之官。皇帝延登親詔之曰。御史大夫其進虛受朕言。朕鬱于大道。獲保宗廟。兢兢師師。夙夜思已失。不遑康寧。盡思百姓。未能綏於戲。御史大夫其帥意盡心。以補朕闕於戲。九卿羣大夫百官。慎哉不勗于厥職。厥有常辟。往悉乃心和裕。開賢俾賢能反本。又民靡諱。朕躬天下之衆。受制於朕。以法爲命。可不慎與。於戲。御史大夫其誠之。此其策命之詞也。

延年遂稱疾篤。疾南雍本閩本作病。

合陽侯梁放。梁喜之子。

戊夫士也。夫當作未。南雍本閩本皆不誤。

仲山父異姓之臣無親於宣。就封於齊。此用韓詩說。漢孟軻碑云。天生仲山甫。翼佐中興。宣平功遂。受

封于齊。其言與杜欽同。

主上照然知之。照南雍本。閩本並作昭。

書稱公毋困我。案元后傳。王鳳乞骸骨。上報曰。書云。公毋困我。今洛誥作公無困哉。乃我字之譌。今在長者歸故郡。在當作坐。南雍本。閩本不誤。

鉅鹿太守孫宏。宏翟方進傳作闕。

遣使者毛莫如先考驗。莫如太山人。官至常山太守。毛當作屯。說見儒林傳。

張騫傳

金城河西西並南山至鹽澤。南雍本。閩本皆不重西字。

置牂柯越蕩益州沈黎文山郡。地理志。無沈黎文山二郡。沈黎省于天漢四年。文山省于地節三年。皆

并蜀。

司馬遷傳

重黎氏世序天地。楚語云。少皞之衰也。九黎亂德。顓頊受之。乃命南正重司天。以屬神。命火正黎司地。

以屬民。使復舊常。無相侵瀆。其後三苗復九黎之德。堯復育重黎之後。不忘舊者。使復典之。以至于夏商。故重黎氏世序天地。而別其分主者也。其在周。程伯休父其後也。當宣王時。失其官守。而爲司馬氏。定計於鮮也。釋詁。鮮。善也。邶風新臺云。蘧蔕不鮮。小雅北山云。鮮我方將。鄭箋竝訓鮮爲善。此言定計爲善。不遭刑辱。文穎以爲鮮明。未當。

武五子傳

按道侯說疑使者有詔 詔當作詐。

父子不和則室家散亡 散南雍本閩本作喪。

令皇太子爲漢適嗣 令當作今。

平輿侯嗣子尙焉 史表無平輿侯。

衛侯史良娣葬長安城南 侯當作后。外戚傳云。瘞之城南桐柏。

皆賜策各以國土風俗申戒焉 本紀是年初作誥。故三王俱載賜策。

北州以妥 士相見禮云。凡言非對也。妥而後傳命。鄭注妥安坐也。古文妥爲綏。

王孺見執金吾廣義 義字疑誤。下文作廣意。公卿表亦作廣意。

趙氏無炊火焉 秦之先造父封于趙城。更爲趙氏。故秦亦稱趙也。

王客呂廣等知星 天文志有燕王候星者吳莫如。

耘鉏海內勤苦至矣 耘鉏海內下脫正文當此之時頭如蓬葆八字。又注文頭久不理。如蓬草羽葆也。

師古曰草叢生曰葆音保。二十字當據南雍本閩本補。

二十年薨子嘉嗣 表云二十一年。

毋桐好逸 桐史記作侗。集解引張宴注亦作侗。

左右皆服 服南雍本閩本作伏。

立六十四年而誅 表作六十三年。

立二十年薨子宏嗣 當從表作十七年。

使行大鴻臚事少府樂成 公卿表作便樂成。

道買積竹杖 說文攢積竹杖也。

臣敵故知執金吾嚴延年字長孫 案酷吏傳嚴延年字次卿張敞爲京兆尹素與延年善疑卽其人矣。

然字旣不同而延年傳又不言其爲執金吾未知其審。

傳子至孫今見爲 南雍本閩本見爲下有侯字。

嚴助傳

枚臬膠倉 膠當作聊說詳藝文志。

嚴葱奇等 七略云或言莊夫子或言族家子莊助昆弟也。

自以身不見兵革 自以下脫沒字南雍本閩本皆有。

故古者封內甸服封外侯服 此用國語文避高帝諱故作封。

朱買臣傳

不視買臣買臣入室中 閩本不重買臣二字。

試來視之。閩本無來字。

吾丘壽王傳

十賊曠弩百吏不敢前。曠說文作曠。云弩滿也。讀若郭。淮南子兵略訓云。疾如曠弩。是以巧詐竝生。知者陷愚。南雍本。閩本是以二字。俱在巧詐並生之下。

主父偃傳

諸儒生相與排擠不客於齊。擠與擯同。說文擠或作擯。文王世子云。退擠于西序。釋文本亦作擯。客疑當作容。

以守北河。漢紀作河北。

必稍自銷弱矣。中山王勝傳云。其後更用主父偃謀。令諸侯以私恩自裂地分其子弟。而漢爲定制。封號輒別屬漢郡。此偃銷弱之計也。

徐樂傳

燕郡無終人也。燕王定國有罪。國除。入漢爲郡。故曰。燕郡無終。地理志屬右北平。

嚴安傳

臣聞鄒衍曰。衍南雍本。閩本並作子。

章廣心逸。章當作意。

禍擊而不解。擊當作紛擊之擊。霍去病傳云。漢匈奴相紛擊。

後以安爲騎馬令。騎馬令屬太僕。

終軍傳

北胡隨畜薦居。案襄四年左傳云。戎狄荐居。服虔曰。荐。艸也。言狄人逐水草而居。徙無常處。古荐與薦通。蘇林說與服氏同。小顏注非也。

王褒傳

渤海趙定。梁國龔德。龔當作龍。藝文志樂家有雅琴。龍氏九十九篇。名德。梁人。小顏引劉向別錄云。亦魏相所奏也。與趙定俱召見待詔。

賈捐之傳

元封元年立儋耳珠崖郡。案本紀。二郡立於元鼎六年。朔南暨。聲教迄于四海。欲與聲教則治之。不欲與者。不彊治也。釋詁。暨。與也。據捐之所釋書義。殆以暨爲干與之與。

含氣之物各德其宜。德。南雍本閩本作得。

上以問丞相御史。御史下當有大夫二字。

期思侯並可爲諸曹。期思侯並疑是二人姓名。廣韻。期。姓。下引風俗通。有期思國。不言複姓。若以爲期。

思地名。則下文滿宣又不言所居之縣。何以侯並獨載居地乎。小顏以爲賁赫之後。非也。赫之除國。尙在孝文時。

東方朔傳

舍人不勝痛呼晷。說文。晷。大呼自冤也。

尻益高。尻當作尻。從九。說文。尻。腓也。居。腓也。或作腓。或作髻。

朔擅詆欺天子從官。舍人以幸倡常侍左右。故自稱天子從官。

鶴俛啄也。啄。讀與囓同。

吾弟老有是一子。案此以隆慮公主爲武帝女弟。而景十三王傳。又以爲帝姊。未知孰是。

弁嚴子爲衛尉。漢書。卞弁通用。杜欽傳。小弁作卞。此傳卞莊子作弁。

季路爲執金吾。閩本作子路。

將以爲君之榮除主之禍也。禍。閩本作病。

遂居家山之閒。家。閩本作深。

於是吳王懼然改容。懼。漢紀作瞿。

公孫賀傳

賀祖父昆邪。攷功臣表。賀是昆邪之子。祖字衍。

劉屈氂傳

事籍籍如此何謂祕也。景十三王傳云。國中口語籍籍。慎無復至江都。皆言誼聒之意。陸賈傳名擊籍甚。

車千秋傳

車千秋 依史例。當云田千秋。

思欲寬廣上意。尉安衆庶。胡建傳。所以尉薦走卒。甚得其心。注云。尉者自上安之也。韓安國傳云。猶頗

可得。以尉士大夫心。師古曰。故尉安之字。正如此。其後流俗乃加心耳。大昭案王嘉傳。遣使者賜金尉

厚。師丹傳。有以尉復師傅之臣。龔遂傳。選用良吏尉安牧養焉。宣元六王傳。益封孝王萬戶。以尉其意。

王莽傳。宜令州郡且尉安之。皆不從心。

坐盜增鹵獲。表作虜獲。鹵。虜古通用。

王訢傳

修治供張辨。辨。古辦字。考工記云。或審曲面執。以辨民器。鄭注。辨。猶具也。釋文。辨。皮莧反。特性饋食禮

云。宗人告有司具。鄭注。具。猶辨也。易剝牀以辨。徐音辨。具之辨。說文辨字。在新附中。

楊敞傳

霍氏伏誅。惲等五人皆封。五人。閩本作有功。案功臣表。是時同日封者。有張章、董忠、金安上、及惲四人。

其一人史高。在外戚侯表。

令郎出錢市財用給文書。迺得出名曰山郎。此郎非尙書郎。是宿衛郎。

由是擢爲諸吏光祿勳。加諸吏者。始見於此。然孝文時。賈山上至言。已云。又選其賢者。使爲常侍。諸吏

與之馳毆射獵。

長樂嘗使行事。隸宗廟。隸。閩本作肆。下文副帝隸及注並同。

憚幸有餘祿。方糴賤販。貴逐什一之利。貢禹傳。近臣自諸曹侍中以上。家無得私販賣。與民爭利。憚免

爵爲庶人。故欲爲賈賢之事。

諸在位與憚厚善者。未央衛尉韋元成。京兆尹張敞及孫會宗等皆免官。案杜業傳。故事大逆。朋友坐

免官無歸故郡者。

贊然後化可興。後下南雍本。閩本俱有教字。

汝南相寬次公。相當作桓。

聞汝南朱生。朱生。鹽鐵論作朱子伯。

中山劉子。鹽鐵論作劉子雍。

斗筭之人何足選也。小顏引論語作選。今本論語作算。案選算古字通。邶風威儀棣棣。不可選也。後漢

書朱穆傳注。絕交論。引作不可算也。今本仍作選。詩攷以爲。齊風舞則選兮。文選舞賦注。引作舞則纂

兮。纂卽算也。周語纂修其緒。史記周本紀作遵修。徐廣曰。遵一作選。是選算同。

楊王孫傳

欲從其心又不忍 閩本其作之。

胡建傳

因上堂走卒皆上 堂下脫皇字。南雍本、閩本皆有。

黃帝李法曰 藝文志不載此書。

朱雲傳

從博士白子友受易 白子疑卽白光字少子。東海人。見儒林傳。

欲以匹夫徒走之人 走南雍本、閩本作步。

梅福傳

孝文皇帝好忠諫 文、南雍本、閩本作武。

故淮南安王緣閒而起 安王二字當乙。

武帝時始封周後 武帝上閩本有初字。

云敞傳

師事同縣吳章 章字偉君。見儒林傳。

夜以血塗莽門 莽下南雍本、閩本有第字。

嘗當禁固 固南雍本闕本作鑷。

霍光傳

中孺扶服叩頭 扶服卽匍匐也。鄭注閒傳云。匍匐猶顛蹙。或作扶服。谷風詩。匍匐救之。鄭箋。匍匐言盡力也。橈弓家語及本書谷永傳。並引作扶服。長楊賦。扶服蝮伏。解詡云。扶服入橐。匈奴傳。扶服稱臣。王莽傳。扶服振救。

後光爲奉常都尉 常當作車。

令故昭帝侍中中臣侍守王 侍中爲中朝官故稱中臣。

臣吉師古曰景吉 景吉卽丙吉也。唐諱丙字。故丙丁皆爲景丁。

天子所以永保宗廟 大當作天。

奉節使徵昌邑王典喪服斬綬 典喪爲喪主也。下文言賀服斬綬。而無悲哀之心耳。小顏以典喪服爲句。失其指矣。

注左思吳都賦云長塗牟首劉逵以爲牟首關道有室屋也 吳都當作魏都。注是張孟陽。非劉淵林。

其以河北東武陽益封光 河北言河以北也。非郡名。東武陽屬東郡。

下詔曰故大司馬大將軍博陸侯 此詔已見本紀。可不複見。

私使乳醫淳于衍 宣紀作女侍醫。

復徙光長女壻長樂衛尉爲少府。此少府是長信少府。見本紀。

金安上傳

四子常傲。岑哭。今明皆爲諸曹中郎將。哭。今當作明岑。南雍本。閩本皆不誤。

爲奉車水衡都尉。百官表奉車都尉。掌御乘輿車。水衡都尉。掌上林苑。此云奉車水衡都尉。當是先後

任此兩職。不重言都尉者。省文也。

贊然光不學亡術。淮南子人間訓云。見本而知末。觀指而睹歸。執一而應萬。握要而治詳。謂之術。公孫

宏傳云。擅殺生之柄。通壅塞之塗。權輕重之數。論得失之道。使遠近情僞必見於上。謂之術。

趙充國傳

臣竊見騎都尉安國。卽義渠安國。

今先零羌楊玉。此羌之首師名王。閩本無此羌句。

貧破其衆。貧漢紀作分。案說文。貧。財分少也。則貧亦有分意。

媮得避嫌之便。坊記云。貴不嫌於上。鄭注。嫌或爲嫌。說文。嫌。疑也。是嫌古嫌字。

充國遽起。奏湯使酒不可典蠻夷。使酒。應劭以爲酌酒是也。季布使酒難近。灌夫爲人剛直。使酒。

湯數醉酌羌人。說文無酌字。微子篇云。我用沈酌於酒。釋文云。以酒爲凶曰酌。說文作酌。云酒釐。

趙趙桓桓亦紹厥後。後文選作緒。

辛慶忌傳

屯田烏孫赤谷城與歙侯戰。陳景雲曰：赤谷城在烏孫西偏，與康居相接。據匈奴傳：康居亦有翁侯之官，且與烏孫連兵日久。此與歙侯戰者，謂康居所遣之將也。常惠屯田烏孫時，漢與烏孫甚睦，不當有交戰事。小顏以歙侯爲烏孫官名，似誤。

補金城長史。百官表：邊郡有長史、掌兵馬。

少子茂，水衡都尉。茂字子淵，由中郎將遷，見公卿表。

及呂寬事起。呂寬事見王莽傳。

陳湯傳

得太官獻食丞。太官屬少府，主膳食。獻食丞，百官表所無。

南排月氏山，離烏弋。西域傳：烏弋山離國王去長安萬二千二百里。此云山離烏弋，疑傳寫倒置。服虔

以爲去中國二萬里，未詳。

言父早死，犯不封。犯南雍本，閩本並作獨。

雋不疑傳

本夏陽人，姓成名方遂。故昭紀謂之夏陽男子。

于定國傳

前太守彊斷之咎黨在是乎。黨古儻字。伍被言黨可以傲幸。揚雄傳。此非人力之所能。黨鬼神可也。亦作黨。

學士咸聲焉。聲當作稱。南雍本閩本不誤。

萬方之事大錄于君。尚書納于大麓。陸氏釋文引王肅云。麓。大錄也。西漢經師已有此訓。

薛廣德傳

楚國龔勝舍。勝字君賓。舍字君倩。

代貢禹爲長信少府御史大夫。二職俱代貢禹。

廣德爲人溫雅有醞藉。聘禮云。凡執玉無藉者。龔鄭注藉謂纒也。纒所以縊藉也。匡張孔馬傳贊曰。其

醞藉可也。醞縊同。亦作溫籍。義縱傳。少溫籍。師古曰。言無所舍容也。史記作蘊藉。

彭宣傳

竢寘溝壑。古寘填同聲。故借用寘。未必是寘之譌。

王吉傳

中慰甚忠。慰當作尉。

貢禹傳

三工官官費五千萬。三工官當謂考工室之一令二丞也。百官表。少府有若盧考工室。令丞屬焉。表不

言員數是爲一令一丞矣。然王吉傳云補若盧右丞。有右必有左。若盧既有二丞。考工室亦宜有二丞。如淳以地理志懷成都廣漢之工官爲三工。殊不知志言工官者。尙有河南陽翟宛東平陵太山郡奉高。維七處。豈得單舉三者以當之。小顏以爲考工室也。右工室也。東園匠也。考右工室不見於表。東園匠則專作園陵器物。觀下文見賜杯案云云。則非東園匠所作明矣。小顏說誤。

至拜爲諫大夫秩八百石。又拜爲光祿大夫秩二千石。百官表作比八百石。比二千石。定迭毀之禮語在韋元成傳。閩本之禮下有然通儒或非之六字。

兩龔傳

執金吾閻崇 崇字君蘭。鉅鹿人。

韋賢傳

粵粵黃髮 說文無諤字。古用粵。

五世壙僚至我節侯 壙與慮同。元帝紀衆僚久慮。未得其人。

左右昭宣五品以訓 訓古馴字。故與聞爲韻。周禮地官土訓。鄭司農讀訓爲馴。史記殷本紀。帝舜命契

曰。百姓不親。五品不馴。後漢書亦引作訓。

厥賜祗祗百金泊館 謂賢乞骸骨。賜黃金百斤也。

四方遐爾 爾與邇同。

祭義曰王者禘其祖所自出云云。此是喪服小記文。非祭義。

廷尉忠以爲孝武皇帝。尹忠字子賓。魏郡人。

謹案上世帝王承祖禰之大義。閩本義作禮。

起敦煌酒泉張掖以百媼羌。鬲與隔同。

魏相傳

臣聞明主在上賢輔在下則君安慮而臣和睦。案此虞字與匡衡傳未有游虞弋射之晏。揚雄傳長楊

賦反五帝之虞同。孟子驩虞如也。亦此意。

丙吉傳

掖庭宮婢則則宮婢名。

夏侯勝傳

後事蒯卿。蒯卿勝同郡人。兒寬門人也。蒯姓。廣韻不收。淮南王有中尉蒯忌。小顏以爲从艸。不从竹。

下詔曰蓋災異者。此詔已見本紀。可不複載。

京房傳

陰霧不精。古晴字作精。說文作姓。

皆以房言煩碎。煩碎猶瑣小也。黃霸傳初若煩碎。然霸精力能推行之。薛宣傳殆吏多苛政。政教煩碎。

又云官屬譏其煩碎無大體不稱賢也。王莽傳太后詔曰今衆事煩碎朕春秋高精氣不堪魏略苛吏傳曰王思爲人雖煩碎而曉練文書敬賢禮士。

然幸其瘡於彼又以爲不在此人也。帝意謂我所用者幸非豎刁趙高之輩且災異之來不在此人顏注疑誤。

翼奉傳

時平昌侯王臨以宣布外屬王臨宣帝舅王無故孫也布字帝字之譌。

二陽並行是以王者吉午酉也。案穆天子傳云天子命吉日戊午又云吉日辛酉天子升於昆侖之丘與翼奉吉午酉之說合。

詩有五際鄭康成作六藝論引春秋演孔圖云詩含五際六情詩汜麻樞云午亥之際爲革命卯酉之際爲改正辰在天門出入候聽卯天保也酉祈父也午采芑也亥大明也然則亥爲革命一際也亥又爲天門出入候聽二際也卯爲陰陽交際三際也午爲陽謝陰興四際也酉爲陰盛陽微五際也見詩正義奉治齊詩五際是齊詩說。

百姓洽足洽閩本作給。

左據成臯左阻黽池左阻疑當作右阻。

趙廣漢傳

吏見者皆輸寫心腹無所隱匿。小雅蓼蕭云：既見君子，我心寫兮。毛傳：輸寫其心也。鄭箋：我心寫者，輸其情意，無畱恨也。

尹翁歸傳

類常如翁歸言，無有遺託。託，南雍本，閩本並作脫。

豪彊有論罪輸掌畜官使斫莖。百官表右扶風有掌畜令丞。小顏注誤。

韓延壽傳

勞謝令丞以下引見尉薦。尉薦卽慰藉，薦猶藉也。匈奴傳：尉薦撫循，交接賂遺。趙廣漢傳：以和顏接士。其尉薦待遇，吏殷勤甚備。小顏以爲安慰而薦達之，非也。

張敞傳

張敞爲山陽太守。地節三年五月視事。

詣公車上車。當作詣公車上書。

王尊傳

補遼西鹽官長。地理志：遼西海陽縣有鹽官。

不以時皆奏行罰。皆，南雍本，閩本作白。

衡與二千石大鴻臚賞等。賞，浩賞也。

將迹射士千人逐捕 馮奉世傳云今發三輔河東恆農越騎迹射飲飛轂者

司隸遣假佐放 哀帝時但爲司隸故無校尉二字

外爲大言倨嫚姍嫌 嫌南雍本閩本作上

尊坐先吏民多稱惜之 先當作免

功岩職脩 岩當作著閩本不誤

蓋寬饒傳

常爲衛官繇使市買 衛官謂衛尉也

劾奏長信少府以列卿而沐猴舞 少府列于九卿故長信少府亦稱列卿然其名不列于表

時執金吾 據公卿表名廣意

諸葛豐傳

德無以報厚 當作無以報厚德南雍本閩本不誤

劉輔傳

上迺徙繫輔共工獄 王莽改少府爲共工成帝時尙未有此名也太初元年更名考工室爲考工疑卽

此

蕭望之傳

蕭望之字長倩東海蘭陵人也。梁書武帝紀云漢相國何生鄼定侯延。延生侍中彪。彪生公府掾章。章生皓。皓生仰。仰生大傅望之。

事同縣后倉且十年。后倉東海郟人。見儒林傳。以望之同郡。非同縣也。縣疑當作郡。

注共餘三十人畱守。案畱守當作畱寺。漢舊儀云御史員四十五人。皆六百石。其十五人衣絳給事殿中。爲侍御史。宿廡左右渠門外二人。尙蠶四人。持書給事二人。中丞一人。領餘三十人畱寺。理百官也。言其來荒忽無常。閩本來下有服字。

其於爲民除害安元元而已。其讀若期。

舉茂材好時令。茂材下當有爲字。

復爲中散大夫。百官表無此大夫。

馮奉世傳

削艾亡出塞。南雍本閩本亡下有逃字。

使領護左馮翊都水。百官表左馮翊有左都水長丞。是時馮翊嘗有河渠之事。故令參領護之。

宣元六王傳

懲艾霍氏欲害皇太子。懲閩本作徵。古懲字。詩曰荆舒是徵。

然後富貴不離於身。於閩本作其。

絞殺胸臚有詔奏請逮捕 詔當作司 閩本不誤。

建昭二年王爲信都王 王爲當作立爲。

匡衡傳

至衡好學家貧 西京雜記云。匡衡勤學而無燭。鄰舍有燭而不逮。衡乃穿壁引其光。以書映光而讀之。

邑人大姓文不識。家富多書。衡乃與其傭作。而不求償。主人怪問衡。衡曰。願得主人書遍讀之。主人感歎。資給以書。遂成大學。王符潛夫論云。匡衡自鬻于保徒。

無說詩匡鼎來 服說是也。賈捐之傳云。顯鼎貴。如淳曰。言方且欲貴矣。與此同義。人情以不自知 以南雍本閩本作忽。

福之興莫不本乎室家之道。衰莫不始于梱內。之道二字當乙。

張禹傳

徙家蓮白 白當作勺。

謂禹父是兒多知 父下閩本有曰字。

孔光傳

伋生子上帛 帛禮記檀弓。史記孔子世家並作白。

是時諸侯王相在郡守上 漢制王國相統衆官。尙有內史治國民。故在郡守上。至成帝時。省內史。而令

相治民則與郡守等矣。

敵以舉故爲東平太守。王國有相無太守。此言太守者。東平王雲以建平三年有罪國除。至開明嗣封。在元始元年。其間爲郡者四五年。敵爲郡守。正當其時。

敵姓成公東海人也。廣韻作東郡人。

馬宮傳

臣知妾不得體君卑不得敵尊而希指雷同。臣疑當作誠。

漢書辨疑卷二十

王商傳

宜窮意考問 意當作竟。南雍本閩本不誤。

傅喜傳

子嗣莽敗乃絕 喜子名勁。見史表。傳脫勁字。小顏謂史不得其子名。非也。

薛宣傳

遷業浪都尉丞 樂浪有兩都尉。南部治昭明。東部治不而。

爲樓煩長 地理志。樓煩屬雁門郡。

官卽以令奏賞與恭。換縣二人視事數月而兩縣皆治。後漢第五種。拜高密侯相。以能換爲衛相。今縣

令有人地兩不相宜者。上官奏請交易其任爲對調。古人謂之換縣。

朱博傳

時諸陵縣屬太常 元帝永光元年改屬三輔。

翟方進傳

司隸校尉涓勳 廣韻。涓姓列仙傳。有齊人涓子。

復徙故郡以憂發疾而死。閩本無發疾而三字。

以儒雅緣飭法律。飭閩本作飾。

方進獨與長交稱薦之。潛夫論云。翟方進稱滄子長而不能薦一士。

使議者以爲不便。使南雍本。閩本作後。

以主守盜十金賊殺不辜部掾收縛立傳送鄧獄。薛宣傳云。十金法重是也。

欲令都尉自送則如勿收邪。公羊隱元年傳。如勿與而已矣。何休注云。如卽不如。齊人語。左氏僖廿二

年傳。若愛重傷。則如勿傷。愛其二毛。則如服焉。與此同義。

大誥道諸侯王三公列侯。案周書大誥。王若曰。猷。大誥爾多邦。釋文云。馬本作大誥。蘇爾多邦。疏云。鄭

王本猷在誥下。道字在大誥下。莽誥與古本合。

予未遭其明。慙。書作弗造哲。遭與造古字通。甫刑云。兩造具備。史記作遭。文侯之命云。嗣造天丕愆。孔

傳亦訓爲遭。下文予遭天役。書作造。

迪知上帝命。況今天降定于漢國。案帝命下脫正文。粵天輔誠爾不得易定九字。又脫注文。師古曰。粵

詞也。天道輔誠爾不得改易天之定命。十九字。南雍本。閩本皆有。惟汲古閣本脫。

諸將東破陳留菑。破字誤。南雍本。閩本作至。

共遣掾行事。事當作視。南雍本。閩本不誤。

谷永傳

意豈陛下志在閨門。下文意豈將軍忘澁漸之義。皆當讀爲抑。

閨妻驕扇日以不滅。毛詩作豔妻。傳云。褻嬖也。谷永用魯詩。故爲閨也。魯詩以閨妻爲厲王后。鄭箋從之。詩正義引中候。籀文云。昌受符。厲倡嬖。期十之世。權在相。又曰。剡者配姬以放賢。山崩水潰。納小人家。伯罔主異載震。旣言昌受符爲王命之始。卽云期十之世。自文數之。至厲王。除文王爲十世也。剡豔古今字耳。以剡對姬爲其姓。以此知非褻嬖也。本傳下文。永又言幽王惑于褻嬖。周德降亡。又云。抑褻閨之亂。褻閨對舉。魯詩說爲長。外戚傳。班婕妤賦。悲晨婦之作戒兮。哀褻閨之爲郵。

滿闌誣天。滿讀若謾。

榜筆槽于炮格。炮格。炮烙也。說文。烙。新附字。古卽用格。

身膏草野。草野。南雍本。閩本竝作野草。

厲精致改。改南雍本。閩本作政。

杜鄴傳

有詔得舉吏如五府。五府者。丞相薛宣一也。大司馬車騎將軍王音二也。御史大夫王駿三也。右將軍王章四也。左將軍辛慶忌五也。時有此五府。竟寧中。五府舉段會宗爲西域都護。五府者。丞相匡衡爲一府。大司馬車騎將軍許嘉爲一府。御史大夫李延壽爲一府。右將軍王商爲一府。左將軍馮奉世爲

一府。

何武傳

市嗇夫求商 廣韻求姓。三輔決錄。漢有求伸。

王嘉傳

黠吏知而犯敵 京兆卒捕掾絮舜也。事詳本傳。

及賜孔鄉侯汝昌侯陽新侯國 案新信古字通。侯表亦作陽。新本紀及杜鄴傳竝作陽信。

重百金之費 重閩本作惜。

不知厭足甚傷尊卑之義 尊卑南雍本。閩本竝作尊尊。

衛尉雲等五十人 雲孫雲也。河內人。

縛嘉載致都船詔獄 百官表執金吾屬官。有都船令丞。如淳曰。漢儀注。有都船獄令。

師丹傳

迺者以挺力田議改幣章示君 挺寬也。言優寵力田之人。寬其租賦繇役。

揚雄傳

名曰畔牢愁 宋景文筆記引蕭該漢書音義云。該案牢字旁著水。晉直作牢。韋昭曰。泮。騷也。鄭氏愁音

曹。

閨中容競淖約兮。相態以麗佳。莊子淖約若處子。廣雅作淖約。說文解字作淖約。子虛賦云。便嬿淖約。棍申椒與菌桂兮。棍疑當作棍。方言棍同也。宋衛之閒語。

費椒稽以要神兮。稽與糈同。古者卜筮先用精鑿之米以享神。謂之糈。東山經曰。糈用稌米。淮南說山訓云。巫用精藉。郭璞高誘竝云。祀神之米。楚詞云。巫咸將夕降兮。懷椒糈而要之。王逸曰。言巫咸將下。願懷椒糈而要之。使筮者占茲吉凶之事。史記日者列傳云。卜而有不審。不見奪糈。

徒恐鷓鴣之將鳴兮。廣雅鷓鴣鷓鴣子鳩也。曹憲音釋云。鷓音弟。又音啼。鷓古惠反。又古二反。鳩音規。爾雅鷓周。郭璞曰。子鷓出蜀。中史記律書云。百艸奮興。秭鳩先鳴。徐廣以爲子規也。玉篇以鷓鴣爲子鷓。宋景文公筆記引蕭該音義云。該案蘇林鷓鴣音殄。子京據之以譏小顏之失。予謂殄。杜鵑鷓鴣一聲之轉。其實是一物也。

孝成帝時客有薦雄。文似相如者。雄蒼劉歆書云。雄作縣邸銘。王佾頌階闕銘。及成都城四隅銘。蜀人有楊莊者。爲郎誦之於成帝。以爲似相如。雄遂以此得見。楊莊華陽國志作尙書郎楊壯。李周翰注文選。亦作楊莊。作壯者。避漢明諱改。

詔招搖與秦陰兮。秦陰。蕭該音義本秦壹。

捐夔魑而扶獠狂。史記孔子世家云。木石之怪夔罔閩。韋昭曰。木石謂山也。或云。夔一足。越人謂之山繅。大荒東經曰。東海中有流波山。入海七千里。其上有獸狀如牛。蒼身而無角。一足出。入水則必風雨。

其光如日月，其聲如雷，其名曰夔。黃帝得之，以其皮爲鼓，擗以雷獸之骨，聲聞五百里，以威天下。說文解字：夔，神魑也。如龍一足，从夂，象有角，手人面之形。是夔魑一物也。宋景文公筆記引蕭該音義云：該按，猶狂無頭鬼，見字林。

齊總總擗擗其相膠葛兮。廣雅云：總總，尊尊聚也。擗，尊古字通。

颺翠氣之冤延，冤延與蜿蜒同。

若登高妙遠，肅虛臨淵。妙，文選作眇。

香芬菲以窮隆兮。菲，古馥字。詩：楚茨，苾芬孝祀。韓詩：苾作馥。薛君曰：香貌。

靈遲遲兮。遲遲，文選作迟迟。李善曰：迟迟，卽棲遲。

神騰鬼越。廣雅云：騰，越也。

灑沈善於豁瀆。蓋當作菑。注同。蕭該音義本作灑沈菑，而呀擊瀆兮。呀，或作呵。呵，叱問四瀆也。

既發軔於平盈兮。楚詞云：朝發軔于蒼梧。王逸注：軔，止輪木也。說文：軔，礙車也。

邪界虞淵。邪，古與左通。禮記：王制云：執左道以亂政。盧植曰：左道，謂邪道。子虛賦云：邪與肅慎爲鄰。師

古曰：邪讀爲左。案長楊賦：回戈邪指，亦謂左指。

建九流。流，南雍本。閩本竝作旒。

秋秋踰踰。文選作啾啾。蕭該音義本作啾。云：該案啾，舊亦作愁。韋昭音裁，梟反。今書或作口旁。秋，埤蒼

曰啾、衆聲也。楚詞鳴玉鸞之啾啾。

媿澗門 文選作媿澗開。

鑿齒之徒相與摩牙而爭之。所爭者秦也。猶云秦失其鹿，天下共逐耳。鑿齒之徒，謂陳勝項籍等。

遐萌爲之不安。萌，文選作眈。萌與眈同。霍去病傳及厥衆萌。劉向傳民萌何以勸勉。師古竝云萌與眈。

同。孟子書皆悅而願爲之氓。孫奭音義云氓或作萌，或作眈。

皆稽顙樹頷。頷，文選作頷。宋景文公筆記引蕭該漢書音義云該案稽顙樹頷。韋昭本作梨顙樹頷。梨

顙，攔地樹頷觸地也。今作稽顙，傳寫誤耳。

或橫江潭而漁。注中有兩師古曰以文選注考之前一說是服子慎說也。當作服虔曰。

頷頤折頷。說文頷，伏頭也。春秋傳曰迎于門頷之而已。玉篇引杜預注亦作頷。又音欽。曲頤也。列子云。

巧夫頷其頤而歌合律。張湛曰頷猶搖頭也。

蕭規曹隨。蕭字上南雍本。閩本皆有夫字。

響若阨隕。阨古作氏。說文氏，巴蜀名山，岸脅之旁。箸欲落墮者曰氏。氏崩，聲聞數百里。象形。揚雄賦響

若氏隕。氏與是通。鄭康成注尚書云織皮謂西戎之國也。西傾雍州之山也。雍戎二野之間。人有所于

京師者，道由此州而來。桓是隴坂名。其道盤桓旋曲而上。故名曰桓。是今其下民，謂是爲阪曲爲盤也。

故有首衝錯測攤瑩數文規圖告十一篇。蕭該漢書音義云該案衝當作衡。云八十一家相對之弟。如

輻輳之衡。又案別錄告下有元問一篇。合十二篇。今脫一篇。疑今人不見太元及別錄。故不知其謬。楚漢記麟止。記當作訖。

儒林傳

魯諸儒持孔氏禮器而歸之。於是孔甲爲涉博士。卒與俱死。而歸。南雍本。閩本竝作往歸兒子。東垣曰。自陳涉之王也。至發憤於陳王。大約皆本於鹽鐵論之褒賢篇。其實桓譚之言亦非也。史記孔子世家云。愼年五十七。生鮒。爲陳王涉博士。孔叢子荅問篇云。子魚名鮒甲。陳人。或謂之子鮒。或稱孔甲。獨樂先王之道。講習不倦。陳勝起兵於陳。陳餘以鮒賢。說陳王往聘之。陳王乃遣使者齎千金加束帛。以車三乘聘焉。張耳亦謂子魚宜速來。以佐王業。子魚遂往。至陳。王郊迎。而執其手。與議世務。子魚以霸王之業勸之。王悅其言。遂尊以博士。爲太傅。凡仕六旬。老於陳。又載其將沒戒弟子語。據此。則持器往歸。及卒與俱死之說。俱不足信。

莒衡胡 廣韻衡姓。風俗通云。阿衡伊尹之後。又云。衡魯公字。後乃氏焉。隸釋有衛尉衡方。

丁寬字子襄。梁人一王梁項生。一王二字。誤。閩本作也。初。

魯伯授太山毛莫如少路。蕭該漢書音義云。該案風俗通姓氏篇。混屯大吳之良佐。漢有屯莫如爲常山太守。又有毛姓。云毛伯文王子也。見左傳。漢有毛樽之爲壽張令。案此莫如姓非毛。乃應作屯字。音徒本反。今人相承呼爲毛。忽聞爲屯。驚怪者多。但毛屯多相類。容是傳寫誤耳。應劭解漢書。世人皆用。

何爲風俗通而不信。據此則顏注非矣。小顏采集注漢書家獨未見蕭該音義。故有此失。
京房受易梁人焦延壽。案隸釋譙敏碑云。其先故國師譙贛。深明典奧。讖錄圖緯。能精微天意。傳道與
京右明。

皆祖田何楊叔丁將軍大誼略同。案前云。楊何字叔元。疑脫元字。

唯京氏爲異黨。荀悅漢紀以黨字絕句。小顏以黨屬下句。讀爲儻。非也。

房授東海殷嘉。殷藝文志及經典釋文竝作段。

河南乘宏師古曰。乘姓也。音食。證反。案廣韻十六蒸言乘又姓。四十七證不言姓。

伏生濟南人也。後漢伏湛傳云。九世祖勝字子賤。所謂濟南伏生者也。

其先夏侯都尉。都尉名也。

建太子太傅自有傳。建當作遷。案勝本傳云。爲長信少府。遷太子太傅。劉向傳同。若夏侯建官至太子

少傅。非太子太傅也。且建事附于勝傳。不得云自有傳。

嚴然總五經之眇論。嚴與儼通。曲禮儼若思。釋文云。儼本又作嚴。無逸嚴恭寅畏。馬融本作儼。

疑者丘蓋不言。案荀子大略篇云。言之信者。在乎區蓋之間。疑則不言。未問則不立。楊倞曰。區藏物處。

蓋所以覆物者。凡言之可信者。如物在器皿之間。言有分限不流溢也。區與丘聲相近。義亦同。小顏說

謬甚。

非受命而何。而南雍本、閩本竝作爲。

履雖新必貫於足。貫，史記作關。案關貫古字通。鄉射禮云：不貫不釋。鄭注古文貫作關。

下固刺斃。固當作固。

伏理旂君。案後漢書伏湛傳注云：伏理字君游。

誼授同郡食子公。蕭該漢書音義云：該案風俗通義云：食我，韓公子也。見戰國策。漢有食子公爲博士。

食音嗣。

毛公趙人也。治詩爲河間獻王博士。案鄭氏詩譜云：魯人大毛公爲故訓傳于其家。河間獻王得而獻

之，以小毛公爲博士。

柏生單次。柏當作桓。

嚴彭祖字公子。酷吏嚴延年之次弟。

由是公羊春秋有顏嚴之學。案隸釋嚴訢碑云：訢字少通。治嚴氏春秋。馮君章句考兩漢傳。春秋嚴氏

學無姓馮者。蓋史之闕文。

廣授琅琊筭路師。古曰筭亦管字。蕭該漢書音義云：該案莞艸下完。風俗通義姓氏篇有管莞二姓云。

莞，楚大夫。見呂氏春秋。漢有莞路爲御史中丞。卽此是也。又有管姓云：管夷吾齊桓佐也。見論語。漢有

管號爲西京太守。今路是艸下完。非竹下官。由來讀者多惑。檢風俗通乃知。據此則顏注誤也。

唯魯榮廣王孫皓星公二人受焉。皓星姓也。亦作浩星。趙充國傳。有浩星賜。鄧展曰。浩星姓。賜名。廣韻亦作浩星。

授楚申章。李奇曰。姓申章。廣韻十七真。有複姓申章昌。蕭該漢書音義云。該案風俗通義姓氏篇云。由余。秦相也。漢有由章昌。官至長沙太傅。據此。則應仲遠以由爲姓。章昌爲名。

循吏傳

京兆尹張敞。舍鷓雀。飛集丞相府。師古曰。此鷓音芬。字或作鵠。案說文解字。鵠鳥似鷓而青。出羌中。从鳥介聲。丞相府所集者。卽是此鳥。師古音芬芳之芬。非也。又云。字或作鵠。其說亦誤。鷓是鳥聚飛兒。非似鷓之鳥也。史繩祖學齋佔畢。信小顏之音芬失之矣。後讀宋景文公筆記。乃知顏籀本不誤。宋時官板方譌爲芬及鵠耳。

見一婦人相者言。此婦人當富貴。王充論衡骨相篇云。丞相黃次公。故爲陽夏游。微與善相者同車俱行。見一婦人年十七八。相者指之曰。此婦人當大富貴。爲封侯夫人。次公止車審視之。相者曰。令此婦人不富貴。卜書不用也。次公問之。乃其旁里人。巫家子也。卽娶以爲妻。其後次公果大富貴。位至丞相。封爲列侯。

酷吏傳

是時九卿死卽死。少被刑。文帝深納賈誼之言。養臣下有節。是後大臣有罪皆自殺。至武帝時稍復入。

獄自甯成始。

周陽由其父趙兼。由真定人。見淮南王傳。

姦益不勝。直指始出矣。直指夏蘭之屬。見食貨志。

遷至御史及丞。下文言爲御史及中丞者。幾二十歲。此及下當有中字。

於是賜小史爵。關內侯。食遺鄉六百戶。隸釋載國三老。袁良碑云。孝武征和三年。袁幹斬賊。公先勇拜

黃門郎。封關內侯。食遺鄉六百戶。幹薨。子經嗣。經薨。子山嗣。此言小史。卽袁幹也。公孫勇卽公先勇也。

功臣表。例不載關內侯。故世次不可考。

繡見延年新將心內懼。時嚴延年爲涿郡太守。故稱爲將。尹翁歸傳。翁歸爲東海太守。于定國謂邑子

曰。此賢將汝不任事也。又不可干以私。孫寶傳。幸同土壤。素無睚眚。願受將命。分當相直。時寶爲京兆

尹。故亦稱爲將。

貨殖傳

賂道曲陽定陵侯。依其權力。賒貸郡國人。莫敢負。案此谷永所謂爲人起責。分利受謝是也。

游俠傳

搯擊而游談者。擊當作擊。注同。

數負進。苟悅漢紀。進作遂。下云。可以償博進矣。苟紀亦作遂。

倭幸傳

顯與妻子徙歸故郡。前代宦者，往往有妻。後漢劉瑜傳云：常侍黃門，亦廣妻妾，怨毒之氣，結成妖眚。周舉傳云：豎宦之人，亦復虛以形勢，威侮良家，取女閉之。至有白首沒無配偶，逆于天心。元魏時御史蕭忻疏云：高軒和鸞者，閹官之嫠婦。胡馬鳴珂者，黃門之養息。唐書載高力士娶李元晤女，李輔國娶元擢女，吳文碑亦有妻有子。朱子語類云：梁師成妻死，蘇叔黨、范溫衰經臨喪，奄人倚勢作合良家。後先一轍。

初許皇坐執左道，坐字上脫后字。

又詔賢女弟以爲昭儀，詔南雍本，閩本竝作召。

匈奴傳上

使蒙恬將數十萬之物，物南雍本，閩本作衆。

各居其邊爲甌脫，甌脫蘇武傳作區脫。

其世信官號可得而記云，信當作姓。

日上戊己，以戊己日爲吉也。

匈奴復入五原酒泉殺兩部都尉，部當作郡。

迺遣闐陵侯將兵別圍車師，闐陵侯成婉也，本匈奴人，表作開陵。

軍長史與決眭都尉輝渠侯謀 功臣表輝渠侯僕朋子雷電征和三年以五原屬國都尉與貳師俱擊

匈奴即其人也。

行攻塞外亭長 長當作障南雍本、閩本不誤。

欲發兵要擊之 要依注當作邀。

死干不可勝數 干當作亡。

匈奴傳下

封烏厲屈爲新城侯 烏厲屈之封爲列侯本紀不載功臣表信成侯王定以匈奴烏桓屠驀單于子左

大將軍率衆降五鳳二年九月封新興信成與城古字皆通烏厲屈是其本名降漢後乃改名王定耳。

單于以徑路刀金畱犁撓酒 撓亦謂之攝士冠禮云再醮攝酒鄭注攝猶整也整酒謂撓之。

長女云爲須卜居次 案云是伊墨居次因爲須卜當之妻故亦稱須卜居次耳。

漢三都尉居塞上 三都尉一在日勒澤索谷一在番和一在居延。

本北地之狄 本閩本作夫。

奉天子詔條之當予匈奴稅 之當作不。

共入匈奴使 入當作殺。

遣五威將王駿率甄阜王颯陳饒帛敞丁業六人 此率字讀如將帥之帥莽置五威將每一將各置前

後左右中帥故下云右率陳饒。

從旁謂單于曰。閩本曰下有止字。

莽以其庶女陸遠任妻後安公奢。案陸當作陸。陸遠任名捷。莽侍者開明所生女。

遵與相掌鉅。考工記云。弓人維角堂之。鄭注常讀如掌鉅之堂。說文解字。堂。鉅也。

西南夷傳

西夷君長以十數。西當作南。南雍本。閩本不誤。

南粵食蒙蜀枸醬。南方艸木狀云。蒟醬。葦芡也。生於蕃國者大而紫。謂之葦芡。生於番禺者小而青。謂

之蒟焉。可以爲食。故謂之蒟焉。交趾九真人家多種。蔓生。

遣水衡都尉。是呂辟胡也。此處當書其姓名。

牂柯大尹周欽詐殺郡。改太守爲大尹。莽制也。牂柯亦當從莽改作同亭。

復殺益州大尹程隆。益州亦當從莽改作就新。

兩粵傳

高后自臨事。自古自字。自臨事者。卽尉佗書所云。高后自臨用事也。

立明王長男粵妻子術陽侯建德爲王。言粵妻者。別於在長安時所取之嫪氏也。

粵郎都稽。都稽功臣表作孫都。

故甌駱將左黃同。案功臣表下，廊侯左將黃同以故甌駱左將斬西于王功侯。此作將左疑誤。

漢書辨疑卷二十一

西域傳上

西則限以蔥嶺。水經注引西河舊事云：蔥嶺在敦煌西八千里，河源潛發其嶺，分二水，一水西逕休循國南，在蔥嶺西。

從鄯善傍南山北波河西行。後漢書注云：波傍也。

至山國千三百六十五里。山國，水經注作墨山國。

丞相率百官送至橫門外。閩本作丞相將軍無率字。南雍本丞相下有將軍率三字。

有蒲陶諸果，西通精絕二千里。水經注云：西通精絕二千里，東至鄯善七百二十里。

于闐國王治西城。後漢班超傳作于窰。

西夜國王號子合王。後漢書西域傳云：漢書誤云西夜子合，是一國，今各自王。

蒲犂反，依耐無雷國。反當作及，閩本不誤。

出封牛，爾雅犛牛。郭注：卽犛牛也。領上肉，犛起高二尺許，狀如麋，肉羣一邊，健行者日三百餘里。

今交州合浦徐聞縣出此牛。

大月氏國治監氏城。後漢書作藍氏。

五曰高附翎侯治高附城。後漢書西域傳云：高附國在大月氏西南，亦大國也。其俗似天竺，未嘗屬月氏。漢書以爲五翎侯，數非其實也。故五部翎侯內，范蔚宗以都密代高附。

大宛國去長安萬二千二百五十里。二百，南雍本。閩本作五百。

又發數十餘輩抵宛西諸國。數，閩本。南雍本作使。

求其物因風諭以代宛之故。其當作奇，代當作伐。

休循國在蔥領西。水經注引郭義恭廣志云：休循國居蔥領，其山多大蔥。

因畜隨水草。因當作田。

西域傳下

日泥靡大以國歸之。言俟泥靡長大以國歸之。故後云：烏孫貴人共從本約，立岑陬子泥靡代爲昆彌也。

使長盧侯光祿大夫惠爲副。盧當作羅。功臣表：匈奴傳竝作羅。

張翁梓，主頭罵。說文：梓，頭髮也。

積居廬倉以討之。倉，閩本作舍。

詔焉烏就屠詣長羅侯赤谷城。焉，字衍。

元貴靡子星靡代爲大昆彌。弱與健對。下文後都護韓宣復奏：星靡怯弱可免。又云：時大昆彌雌栗。

靡健翎侯。皆畏服之是也。小顏以弱爲尙幼少。非是。

願使烏孫鎖撫星彌。彌當作靡。閩本不誤。

漢遣之卒百人送烏孫焉。閩本無烏孫二字。

漢恨不自責誅末振將。閩本無責字。

南至於闐。於南雍本。閩本作于。

龜茲國治延城。後漢班超傳注云。龜茲國居居延城。

故興師遣貳師將軍。閩本故興下無師字。尋注文則無者是。

易之卦得大過爻在九五。匈奴困敗。程舜俞集筮法師春曰。大過木兆卦也。外克內應。克世之兆。所以

敗也。惠棟曰。大過震游魂。故云。木兆卦五動。又成震初六辛丑土。乃震之財。故云。外克內。然大過九四。

丁亥水也。而受制於辛丑之土。九四立世。初六爲應。故云。應克世。當時諸臣以漢爲內卦。匈奴爲外卦。

故皆云吉。而實反謬也。

重合侯母虜候者。母當作得。南雍本。閩本不誤。

劫國王。漢紀作劫日國。

山國王。漢紀作三山國。水經注作墨山國。

車師後王國。依前後例。當作車師後國王。

求車師王烏孫貴。孫字衍。車師王烏貴之妻子。鄭吉傳。送至長安。賞賜甚厚。而烏貴尙在烏孫。故使廣德責烏孫。求前爲車師王名烏貴者。與之詣闕。賜之第宅。令其妻子同居也。是時漢已立故車師王太子軍宿爲車師王。故召其故王烏貴至長安撫卹之。小顏說非也。

又去胡來王唐兜。媿羌國王號去胡來王。

聞甄公爲西域太伯當出。莽分陝立二伯。如周召故事。甄豐爲右伯。稱爲太伯。尊之之辭。

得三百四人。南雍本。閩本作三四百人。

莽封欽爲劉胡子。劉莽傳作剽。

贊迺表河曲列西郡。西當作四。元狩二年。開武威酒泉。元鼎六年。分武威置張掖。分酒泉置敦煌。

外戚傳

良人八子。良人漢紀作良姊。史記秦本紀云。尊唐八子爲唐太后。徐廣曰。八子者。妾媵之號。

八子視千石。案崑川王志傳云。以令置八子。秩比六百石。所以廣嗣重祖也。蓋天子之八子。視千石。諸

侯王之八子。比六百石。故與傳不同。

充依視千石。漢紀作視九百石。

良人視八百石。文選西都賦注引作視七百石。漢紀作良姊視七百石。案小顏注。百官表云。漢制三公

號稱萬石。其俸月各三百五十斛。穀。其稱中二千石者。月各百八十斛。二千石者。百二十斛。比二千石

者百斛。千石者九十斛。比千石者八十斛。六百石者七十斛。比六百石者六十斛。四百石者五十斛。比四百石者四十五斛。三百石者四十斛。比三百石者三十七斛。二百石者三十斛。比二百石者二十七斛。一百石者十六斛。其說本續漢書志。所云續漢書志即光武紀中章懷太子所引今本司馬彪續志與此不同又無比千石月八十斛之文。非西京之制也。如淳注汲黯傳云。真二千石。月得百五十斛。歲凡得千八百石。百官表注。與如淳說不同。外戚傳注。又與如說合。攷百官表。有比二千石。無真二千石。蓋二千石即真二千石也。外戚傳。有真二千石。無比二千石者。以真二千石爲二千石。二千石爲比二千石也。漢制俸穀之外。又有奉錢。貢禹傳。拜爲諫大夫。秩八百石。奉錢月九千二百。又拜爲光祿大夫。秩二千石。奉錢月萬二千是也。

無涓共和娛靈。保林良使夜者。皆視百石。漢紀作涓和娛保林良使者。皆視百石。

葬觀津。劉昭日決錄注云。孝文竇后父。隱身漁釣。墜淵而卒。景帝立后爲太后。遣使者更填父所墜淵而葬。起大墳於縣城南。民號曰竇氏青山。大昭案觀津。地理志屬信都國。郡國志屬安平國。小顏以爲清河縣。非也。

上所引攀攀顧念我者。易小畜九五。有孚攣如。子夏傳作戀。敍傳云。旣繫戀於世教矣。隸釋唐公房及景君碑皆以攣爲戀。

精浮游而出。置。置古疆字。書召誥。無疆惟休。古文尙書作置。本書王子侯表。以諸侯王置土過制。師古

曰。曩亦彊字。

元始三年生昭帝。元始當作太始。

孝昭上官皇后祖父桀。桀字少叔。見李陵傳。

長主內周陽氏女。疑卽周陽由之族。本姓趙。

載以附史恭。附南雍本閩本作付。

嫁爲廣望節侯子劉仲卿宅。廣望節侯。中山靖王子名忠。

嘗之柳宿。柳宿。武帝封中山靖王子劉蓋爲侯國。太平寰宇記。柳宿故城在望都縣東北四十三里。

且財帛之省。帛南雍本閩本竝作幣。

豈妾人之殃咎兮。人閩本作父。

司隸解光奏言。成帝元延四年省司隸校尉。綏和二年。哀帝復置。但爲司隸。故此不言校尉。

不須復發葬固爭之。葬當作莽。

元后傳

後東平王聘政君爲姬。未入王薨。東平王王充論衡作趙王。偶會篇云。王莽姑正君。許嫁二夫。二夫死。

當適趙。而王薨。氣未相加。遙賊三家。何其痛也。又骨相篇云。王莽姑正君。許嫁至期。當行時。夫輒死。如此者。再乃獻之趙王。趙王未娶。又薨。清河南宮大有。與政君父穉君善。相曰。貴爲天下母。是時元帝爲

太子釋君乃因魏郡都尉納之太子。太子幸之。生子君上。宣帝崩。太子立。正君爲皇后。君上爲太子。元帝崩。太子立。是爲成帝。

長御卽以爲。爲下脫是字。閩本不脫。

司隸校尉解光奏曲陽侯根。校尉二字衍。說見前。

案漢制皇女封縣公主。儀服同列侯。范蔚宗載於皇后本紀之末。今將公主之有可考者。附記于外。成元后傳之後。使讀者有可攷云。

魯元公主。高帝女。適宣平侯張敖。

館陶公主嫖。文帝女。適堂邑侯陳午。

公主。文帝女。封地未詳。適絳侯周勝之。見周勃傳。

平陽公主。景帝女。景十三王傳云武帝姊。適汝陰侯夏侯頗。見夏侯嬰傳。

南宮公主。景帝女。適南宮侯張生。生有罪。適張侯彤申。適張侯事見史記索隱。

隆慮公主。景帝女。東方朔傳作武帝女弟。景十三王傳作武帝姊。

成陽公主。景帝中六年薨。疑景帝女。見天文志。

陽信公主。景帝女。適平陽侯曹壽。壽有惡疾。適長平侯衛青。因適平陽侯。故史家稱爲平陽公主。曹

壽卽曹襄。說詳衛青傳。

陽石公主 武帝女以巫蟲事誅。見公孫賀及武五子傳。

鄂邑公主 武帝女適蓋侯王信。王信嘗依小顏注作王充。蓋侯信薨于元光二年。時武帝年甫二十。

四歲。主甚幼也。

衛長公主 武帝女。見史記曹相國世家。

夷安公主 武帝女。適隆慮公主子昭平君。見東方朔傳。

當利公主 武帝女。衛太子姊。適樂通侯欒大。見郊祀志。

諸邑公主 武帝女。以巫蠱事誅。見武五子傳及五行志。

館陶公主 宣帝長女。適西平侯于永。見于定國傳。

敬武公主 宣帝女。水經注以為元帝女。文穎以為成帝姊。薛瓚以為元帝姊。顏師古以為元帝妹。適營平侯趙欽。又適當平侯張臨。又適高

陽侯薛宣。見趙充國張安世薛宣傳。

陽邑公主 疑宣帝女。適博成侯張建。見功臣表。

平陽公主 元帝女。見外戚傳。

平都公主 元帝女。見傅昭儀傳。

潁邑公主 元帝女。成帝妹。適建平侯杜業。

王莽傳上

莽既說衆庶。庶、南雍本、閩本作意。

兆遇金水王相。服虔曰：卜法橫者爲土，立者爲木，邪向經者爲金，背經者爲火，因兆而細曲者爲水。

亮彼武王。韓詩薛君章句：亮相也。此用韓詩。

今天法有設後世有祖。今當作令。

朱戶納陛。陳景雲曰：宋均禮含文嘉注云：動作有禮，納陛以安其體。文選魏公九錫文：納陛以登。李周

翰注：納陛者，致于殿兩階之間，使其上殿。此蓋漢人相承之說。宋史呂端傳：真宗以端軀體洪大，宮庭

階肥稍峻，特令梓人爲納陛。是納陛爲安體而設，信矣。小顏獨采孟解。宋均說亦不可廢。

昔唐堯橫被四表。橫，卽光也。後漢書馮異傳亦云：橫被四表。漢人稱橫門爲光門。

名曰漢光邑。地理志：武功，莽曰新光。

晨夜肩肩。方言：迹迹肩肩，不安也。江沅之間，謂之迹迹。秦晉謂之肩肩。又肩，往勞也。郭注：肩肩，往來皆

劬勞也。說文：肩，動作切切也。廣雅：肩肩，不安也。本書董仲舒傳：凡所爲肩肩。夙興夜寐。後漢書王良傳：

何其往來肩肩，不憚煩也。崔駰傳：吾亦病子肩肩而不已也。

則時成創。則卽聲相近。

以杜衍戶千封嘉爲師禮侯。師當作帥，與率同。下文作率禮侯。

所征殄滅盡備厥辜。備讀若義，眞備未之備。

槐里以武爲號。翟義以虜爲號。武當作賊。上云逆賊惑衆。西土卽指槐里。趙明霍鴻等也。以戊辰直定御王冠。魏文帝受禪。以十月二十九日辛未直成日成定。皆取吉祥。

王莽傳中

國師劉歆子疊爲伊休侯。言國師者。別于上文祁烈伯之劉歆。

其元城王氏勿令相嫁娶。莽妻宜春王氏不在同姓之列。

是用建爾作司命。司命上疑脫五威二字。

命堂威侯王奇曰。命辭言函谷批難掌威于左。據此。則堂疑當作掌。

其宗廟不當在常安城中。本長安。從莽所改稱之。

大司空邑弟左闕將軍。闕當作關。

故尙書令唐林爲胥附。胥疏聲相近。

據持萬物。據南雍本閩本作操。

厭難將軍陳歆。匈奴傳作陳欽。

今已受茅土者公十四人。案十四人者。謂安新公王延。就新公平晏。嘉新公劉歆。美新公哀章。承新公

甄邯。章新公王尋。隆新公王邑。奉新公王興。成新公孫建。崇新公王盛。章平公姬黨。宣威公蘭苞。揚威公戴級。安定公劉嬰也。廣新公甄豐。有罪國除。不在數內。莽之宗室公。如新舉公安。褒新公臨。功隆公

千。功明公壽。功成公吉。功崇公宗。功昭公世。功著公利。亦不在十四人之內。以勸南僞。僞字古亦省作爲。史記平秩南譌。司馬貞本作南爲。淮南天文訓。歲大旱。禾不爲。高誘曰。爲。成也。禾成於夏。故云南爲。上下文。東作西成。皆言農事。不當訓訛爲化。在西州者。諸公皆輕賤而章尤甚。哀章。廣漢梓潼人。故曰西州。遣平蠻將軍馬茂將兵擊之。當從西南夷傳作馮茂。就都大尹馮英不肯給。就都故廣漢。

漢書辨疑卷二十二

王莽傳下

乘乾車駕《馬》《古坤字》。

武功中水鄉民三舍墊爲池。中水鄉地理志在右扶風美陽。

孫公明公壽病死。公明當作功明。壽所封國名。

魏成大尹李焉。魏成故魏郡。

三輔盜賊麻起。麻言多而難理也。上云江湖海澤麻沸亦此意。

國師嘉信公。是劉歆也。初封嘉新。後改。

至地皇三十年如故。是王光上戊之六年也。案隸續新莽候鉦有新始建國地皇上戊二年之文。莽自

以土行。故令太傅府置戊曹。以戊子代甲子。爲六旬之首冠。用戊子爲元日。昏以戊寅之旬爲忌日。令

太史推三萬六千厯紀。六歲一改元。遂改元爲地皇。

又遣大將軍陽浚守敖倉。此疑卽誅貉將軍陽俊也。浚俊不同。未知孰是。

衍功侯喜素善卦。當是王光之子。

校尉東海公賓就。廣韻魯有公賓庚。

就讖斬莽首。莽年三十八爲大司馬。五十一卽眞。六十八誅死。居攝三年。號初始元年。始建國五年。天鳳六年。地皇四年。

敘傳上

吾久不見班生。今日復聞讖言。讖古作當。孔安國益稷傳云。故呼禹。使亦陳當言。釋文云。當。丁浪反。本亦作讖。李登聲類云。讖言。直言也。

卒富貴不祥。卒。讀與猝同。

悼世業之可懷。說文。慄是也。籀文作悼。

妣聆呱而刻石兮。妣。媿山氏女。禹之后也。刻石有啟母石也。呱。啟呱呱而泣也。應仲遠說非是。周賈盪而貢憤兮。孟康曰。貢惑也。貢無惑義。當是感字之譌。貢感聲相近。

鬻龍虎之文舊矣。說文。鬻。目鬻鬻也。廣雅。鬻。視也。廣成頌云。右鬻三塗。左概嵩嶽。

風颺電激。颺。文選作颺。韋昭曰。颺。風之聚猥者也。音庖。大昭案說文。颺。扶搖風也。或从包作颺。

夷險芟荒。晉灼曰。發。開也。今諸本皆作芟字。大昭謂左氏隱六年傳。芟夷蘊崇之。說文引作發。云以足

蹋夷艸。此芟字。晉灼本作發。亦發字之譌。

神之聽之名其舍諸。名。文選作神。

敘傳下

朱旗迺舉 迺文選作天。

述景武昭宣元成哀功臣表第五 哀字衍。功臣表至成帝止。

食貨惟先 惟閩本作爲。

變定東西 變當作變。注同。

耳諫甘公 諫當作謀。

三枿之起本根既朽 說文櫛。伐木餘也。引商書若榦木之有粵。櫛重文作櫛。榦。古文櫛。又弓部粵。木生條也。亦引商書作枿。古文言由枿是。枿卽榦字。隸變爲枿爾。

澤王琅邪權激諸呂 謂用田生之計。先王諸呂而激之。并王澤也。

旃宅於楚 旃與游同。楚元王交字也。

其在於京奕世宗正 劉辟疆劉德父子竝爲宗正。

劬勞王室用侯陽成 宣帝以劉德親親。行謹厚。封爲陽城侯。

稅介免冑禮義是創 何焯曰。義疑作儀。大昭案說文。誼。人所宜也。義。己之威儀也。漢書仁義作誼。威儀

作義。正與說文同。何氏說非也。

窘世薦亡 小雅正月云。又窘陰雨。鄭箋。窘。仍也。

思心旣霽 五行傳云。思心之不容。是謂不聖。厥咎霽時。則有牛禍。

檻轡正席顯陳成敗。檻轡謂諫帝西馳下駿坂正席謂引卻慎夫人坐也。

江都諺輕說文諺諺擾也。一曰諺猶淮南子修務訓云越人有重遲者而人謂之諺高誘曰諺輕利急。

音抄。

媚茲一人日旰忘食。湯每朝奏事語國家用日旰天子忘食丞相取充位天下事皆決湯。

致死爲福每生作禍。賈誼傳服鳥賦云品庶每生孟康曰每貪也。

烏呼史遷薰胥以刑。小雅雨無正云若此無罪淪胥以鋪後漢書注引韓詩云薰胥以痛薰帥也胥相

也痛病也言此無罪之人而使有罪者相帥而病是其太甚惠棟曰薰闔也春秋傳云以韓起爲闔薰

與闔通易艮之九三曰厲薰心荀爽本薰作勳虞翻本又作闔胡廣漢官解詁曰光祿勳勳猶闔也易

曰爲闔寺是薰與闔通之證胥胥靡也楚元王交傳云申公白生諫不聽胥靡之應劭引此詩曰淪胥

以鋪胥靡刑名也呂氏春秋曰傳說般之胥靡高誘曰胥靡刑罪之名詩言王赦有罪之辜而反坐無

罪以薰胥之刑也三家詩得之毛詩誤也。

錯綜羣言古今是經。自序云協六經異傳齊百家雜語是錯綜羣言也。

勒成一家。自序云爲太史公書序略以拾遺補藝成一家言又報任安書云亦欲以究天人之際通古

今之變成一家之言。

昏賀失據。昏謂改封海昏侯失據易繫詞云非所據而據焉身必危。

六世耽耽其欲激激。說文無激字。激卽攸也。頤六四。虎視眈眈。其欲逐逐。子夏傳作攸攸。荀爽作悠悠。虞喜志林云。攸當爲逐。

讒苑扞偃。諫帝起上林苑。拒偃宴宣室。

懷肉汗殿。懷肉割肉遺細君。汗殿嘗醉入殿中。小遺殿上。

咸睡厥誨。陳萬年教戒其子咸。咸睡頭觸屏風。萬年大怒。咸叩頭謝曰。具曉所言。大要教咸調也。

長情懊懊。論語與與如也。敍傳本此說。文懇趣步懇懇也。

斟酌六經。放易象論。斟酌二字。首見於國語。周語云。而後王斟酌焉。荀子富國篇云。節其流。開其源。而

時斟酌焉。律厯志云。斟酌建指。以齊七政。揚雄傳云。皆斟酌其本。相與放依而馳騁云。白虎通云。言周

公輔成王。能斟酌文武之道而成之也。後漢書章帝贊云。左右藝文。斟酌律禮。張奮傳云。猶周公斟酌

文武之道。班彪傳云。因斟酌前史而讒正得失。班固兩都賦云。騰酒車而斟酌。魏志袁渙傳云。常談曰。

世治則禮詳。世亂則禮簡。全在斟酌之間耳。

獷獷亡秦滅我聖文。說文。獷。犬獷。獷不可附也。

泯泯羣黎化成長吏。呂刑云。泯泯禁禁。

娉娉公主。迺女烏孫。爾雅釋訓云。抵抵。惕惕。愛也。郭璞曰。抵抵未詳。釋文引李巡云。抵抵和適之愛。抵

本或作娉。是娉娉卽爾雅之抵抵也。孟康注本此說文。娉。美女也。或作妣。从氏。通作抵。說文。抵。愛也。

曲陽敲敲亦朱其堂 說文敲敲氣出見从欠不从支

